



# Ingwenya lenelunya




**Charlotte Galane**





Emfuleni lotsite bekuhlala ingwenya lenkhulu.  
Ligama layo bekunguMehlomabi. Mehlomabi  
abenesitunge. Lomfula bewuhlala ubindzile.






Wacosha tonkhe tilwane kute ativise  
ngekunatsa yedvwa emfuleni.

Abetsandza nekuchukuluta letinye tilwane.



Emini abetsandza kuhlala edwvaleni  
atsamele lilanga.

Abetsanyela phansi ngemsila wakhe.






Ebusuku, tilwane tanyonyoba tifuna kunatsa emanti.

Mehlomabi watibona, wetama kutibamba.



Tilwane tatfumela Gungumbane kutsi  
ayokhulumisana naMehlomabi.

Betifuna kocolisa kuMehlomabi.





Tavumelana kutsi tikhulumisane naye.

Gungumbane watjela Mehlomabi kutsi  
kufanele tonkhe tilwane letingasemfuleni  
tabelane ngalamanti.

Mehlomabi wangavisi.



Mehlomabi naGungumbane bagcina  
bangakavumelani.

Mehlomabi watsi, “Akwatiwe nguwo wonkhe.  
Ngiyinkhosи yemfula. Kute lotawunatsa  
emfuleni wami.”

Gungumbane wabuyela emuva etilwaneni  
aphatseke kabi.





Igungumbane yabuya nembiko. Yabatjela kutsi Mehlomabi uyachubeka ngekwala kwakhe.


Tilwane tahlela kutsi tibekela Mehlomabi lugibe.



Ngalelo lilanga ekuseni, Mehlomabi  
wabambeka elugibeni.

Mehlomabi wabona ligundvwane ehlatsini.  
Wacela ligundvwane kutsi lijube inethi  
yelugibe. Mehlomabi wetama kubaleka.





Letinye tilwane tambona. Tabamba  
Mehlomabi.

Tamtsatsa tamuyisa enkhosini Ndlovu.



Gungumbane wabika Mehlomabi enkhosini.

Watsi, “Nkhosi Ndlovu, imphilo lendze!  
Mehlomabi akasivumeli kunatsa emanti  
emfuleni.”

Mehlomabi abetfuke kakhulu.





Inkhosi yatsi, “Mehlomabi, unelichuku.  
Lamuhla lilanga lekugcina kutsi walele  
labanye kunatsa emfuleni.

Ngete sakuvumela kutsi uhlukubete letinye  
tilwane embusweni wami.”



Inkhosi beyiphatseke kabi.

Yatsi, “Nonkhe ningebami. Tonkhe tinsita  
embusweni wami kufanele tisite nonkhe.”

Mehlomabi watisola ngaloko lakwentile.





Ingwenya Mehlomabi wasivisia sigwebo sakhe.

Wacela kutsetselelwa etilwaneni letinye.

Tilwane tacala kudzingidza loludzaba.

Tavuma kumtsetselela.



Kusukela lapho, tilwane taphila kahle  
ngekujabula.

Tonkhe tativisa ngekunatsa emfuleni  
tikhululekile.

